

IVIERNU | NEL BOTÁNICU

2026



PROGRAMA D'IVIERNU NEL BOTÁNICU 2026

INFORMACIÓN XENERAL

Aforu limitáu en toles actividaes.

Actividaes familiares: máximu 2 persones adultes por cada menor.

Más información nel teléfonu de taquiya: 985 185 130.

PRECIOS

Talleres persones adultes: 10 € (taller de terrarios del 17 de xineru, 20 €)

Talleres familiares: 6 € (5,10 € pa menores socios/es del Club Miruéndanos)

Visita guiada *Les aves del Botánicu*: gratuita col preciu de la entrada

INSCRIPCIONES

Talleres (necesariu DNI): na nuestra páxina web.

Visites guíaes *Les aves del Botánicu* y visites especiales: nel 985 185 130.

PAGOS

El plazu pal pagu de l'actividá ye de 1 día a partir de la fecha d'inscripción.

Nun s'almiten cancelaciones nin devoluciones sacante anulación de l'actividá per parte de la organización.

INFORMACIÓN IMPORTANTE PA LES INSCRIPCIONES

Talleres familiares: Nel casu de menores que nun tengan DNI, pueden inscribise col númberu d'una persona adulta (que nun tea yá matriculada na actividá), y ye necesario contautar depués col Botánicu, nel T. 985 185 130 p'avisar y dar los datos del/de la menor.

Hai qu'inscribir de forma individual a caúna de les persones (tanto adultes como menores) que quieran participar na actividá.

N'acabando'l procesu d'inscripción a les actividaes y depués de facer el pagu, la plaza va apaecer como CONCEDIDA y va tener un númberu de solicitú asignáu. Si apaez EN RESERVA quier dicir que quedó en llista d'espera. Si hubiere una baxa, contautaríamos según l'orde d'inscripción.

NORMES

El públicu inscitu ha presentase 10 minutos primero del taller.

N'IVIERNU'L BOTÁNICU NUN DUERME, ESCONSONA.

El xardín acabó de desnudase y empieza otra vuelta a poner capes. Vienen díes de fríu y aire, pero tamién caldía ye mas llargu que l'anterior. El calendariu diz iviernu, pero la naturaleza enséñanos que la primavera ta al xirar la esquina. Ye un bon momentu pa somorguiase nes nuestros viesques naturales y observar les estructures maxestuoses de los árboles.

Cada vez qu'asoleyen un poco, les plantes van espertando y, dulces, empecipien a nacer les fueyes, que nestos díes amuesen el so verde mas brillante, xunto a les flores más madrugadores, como les qu'adornen la nuestra coleición de camelies tan prestosa.

Pa celebrar esta estación animámoste a que participes **nes visites guíaes gratuites** qu'ofrecemos tolos díes, y nes que vas descubrir les munches ayalgues que tenemos. Si lo tuyo son les aves, nun escaezas que los segundos domingos de cada mes los nuestros amigos del Coleutivu Ornitolóxicu Carbayera del Tragamón convidennos a conocer con ellos **les aves del Botánicu**.

Esti añu, amás, entamamos con un proyeutu nuevu que nos fai muncha ilusión: un **club de llectura empobináu** a llibros nos que la naturaleza tien muncha importancia. Esti club va tener un toque mui especial, porque cada llibru va tratase en tres sesiones. Na primera vamos falar del llibru, na segunda vamos charrar col autor o l'autora, y na tercera vamos facer una visita guiada pel Xardín, centrada nes plantes qu'apaecen na obra. El primer alcuentru del club va ser yá casi, casi en primavera, pero, como yá sabemos, la primavera iguase pel iviernu.

Y por si too esto nun fuera bastante, vamos tener una programación bien completa: creación de terrarios, arte y discapacidá, cuidáu de plantes orniamentales en tiestos, **poda de frutales, bordáu y pintura, veles y ambientadores naturales, cuidáu de la güerta...**

En fin, nin el Botánicu se duerme nin hai motivos pa quedar en casa esti iviernu.

AXENDA

CLUB DE LLECTURA NUEVU: LLEEMOS, NATURALMENTE.

¿Préstente pola vida la llectura y la naturaleza? ¡Esti club de llectura ye pa ti! La llectura disfrútase tovía más cuando se comparte, pero nel nostru club non solo vas lleer, sinón que vas tener la oportunidá de contautar de forma direuta coles y colos autores de los llibros qu'escoyemos, pa preguntá-yos tolo que te suxirió la llectura. Amás, una vez al mes vamos facer una visita guiada pel Xardín Botánicu Atlánticu, onde vas poder conocer de cerca les especies vexetales qu'apaecen nes obres, yá que tolos nuestros llibros tienen en común un venceyu cola naturaleza.

Cuerri a apuntate, ¡que les places vuelen como la imaxinación!

MARZU

Un árbol de compañía, de Clara Obligado y Raúl de Tapia.

19 de marzu / Comentamos el llibru (de 17:00 a 19:00h)

26 de marzu / Alcuentru con Raúl de Tapia (hora pendiente de confirmación)

31 de marzu / Visita guiada: les plantes del llibru nel Xardín (de 17:00 a 19:00h)

A partir de 16 años.

Pónlu: Mar Martín.

Importante: les persones participantes han llevar el so llibru -ya lleíu- a cada alcuentru, pa trabayar sobre él.

Un árbol de compañía

OBLIGADO, Clara y DE TAPIA, Raúl. *Un árbol de compañía*. Madrid: Páginas de Espuma, 2025. ISBN 978-84-8393-372-5.

A cuatro manos, la escritora y estranxera, como a ella-y presta llamase, Clara Obligado y Raúl de Tapia, biólogu, botánicu y tastiador de paisaxes, como a él-y presta llamase, adiéntrense dende una voz mestiza nuna viesca onde los raigaños de les lletres y les ciencies s'alcuentren, onde la memoria y la naturaleza s'abracen, onde conocimientos y esperiencias s'amiesten nuna sola escritura. Cañes y raigaños, lo aéreo y lo subterráneo, dos persones, lo que les xune al suelu y lo que les fai zampar l'aire. Los árboles habiten la nuestra vida y nella cada árbol tuvo, tien y va tener un significáu y un símbolu únicos de la nuestra esistencia. Un árbol de compañía acolumbra la observación, la reflexón y la conservación y recuperación de los nuestros árboles, del to árbol, de la so sombra, de la so respiración compartida, de la so compañía.

CLARA OBLIGADO

Clara Obligado nació en Buenos Aires. Exiliada política de la dictadura militar, dende 1976 vive n'España. Ye llicenciada en Lliteratura y dirixó los primeros talleres d'Escritura Creativa que s'organizaron nesti país, actividá que desarrolló pa bien d'universidaes y pa delles instituciones, y que fai de forma independiente. En 1996 recibió'l Premiu Femenín Lumen pola so novela *La hija de Marx* y, en 2015, el Premiu de Novela Breve Juan March Cencillo por *Petrarca para viajeros*. Publicó con Páginas de Espuma les antoloxíes *Por favor, sea breve 1 y 2*, pioneres na implantación del xéneru del microrrelatu n'España, y los exemplares de cuentos *Las otras vidas*, *El libro de los viajes equivocados* (que llevó'l IX Premiu Setenil al meyor llibru de cuentos de 2012), *La muerte juega a los dados*, *La biblioteca de agua y Tres maneras de decir adiós*. Tien una montonera de llibros d'ensayu, ente ellos *Una casa lejos de casa: la escritura extranjera* (2020) y *Todo lo que crece. Naturaleza y escritura* (2021). Ye collaboradora en medios periodísticos y la so obra tradúxose a distintos idiomas.



RAÚL DE TAPIA

Biólogu y tastiador de paisaxes, divulgador ambiental y escritor. Componente de la Rede Internacional d'Escritores pola Tierra, trabaya a diario na restauración d'ecosistemas y la renaturalización urbana. Xunto al equipu que dirixe na Fundación Tormes-EB, recibió muchos reconocimientos, como'l Premiu Nacional de Mediu Ambiente o el Premiu Lluz Verde de WWF (World Wide Fund for Nature) y Onda Cero Radio. Como escritor, recibió'l Premiu Nacional Tundra de Lliteratura de Naturaleza pol llibru *Arboreto sonoro* y el Premiu de Poesía Cristóbal de Castillejo. La so estaya de comunicador nun paró de crecer nos últimos 15 años. Ye collaborador habitual nos programes *El Bosque Habitado* de Radio 3 (RNE) y *Gente Viajera* d'Onda Cero. Raúl de Tapia "Alcanduerca" ye una persona poliédrica que xunta nos sos proyeutos la divulgación científica con creadores del mundu de la música, la danza, la poesía, la escultura y el muralismu.

VISITES GUIAES

VISITA XENERAL

Una visión global d'esti muséu vexetal, nun percorriú que combina aspeutos paisaxísticos con conteníos xenerales de les coleiciones botániques y de xardinería, destacando la importancia de les plantes nel contestu global de la conservación de la biodiversidá.

LES XOYES DEL CANTÁBRICU

Un percorriú pela flora y vexetación del Cantábricu, dende'l llitoral hasta l'alta montaña, pasando per praderes y viesques. Vamos descubrir plantes que viven en condiciones adverses, especies emblemátiques y peculiaridaes botániques, culturales y máxiques de la nuestra rexón.

DESCUBRIENDO LA FACTORÍA VEXETAL

Un percorriú pa reflexonar sobre la rellación ente plantes y persones. Vamos conocer especies presentes na nuestra vida diaria como alimentos, medicines, texíos o símbolos relixosos, y el viaxe de munches d'elles ente dambes orielles del Atlánticu.

LA GUAPURA DEL XARDÍN DE LA ISLA

Una visita al espaciu con más d'un sieglu d'historia del Xardín Botánicu pa disfrutar de los sos requexos ablucantes, de los sos árboles imponentes d'oríxenes diversos, y conocer coleiciones de plantes decoratives usaes nos xardinos de la España templada.

TESOROS ATLÁNTICOS

Un percorriú per dalgunos paisaxes del Atlánticu norte: les viesques templaes, que tán presentes de forma natural nel Botánicu, ente les que s'incluye'l monumentu natural de la Carbayera del Tragamón, y los paisaxes más fríos d'Europa recreaos nel Xardín.

RUTA DE LES VIESQUES NATURALES

Una ruta "de monte" cenciella que nos lleva a conocer la verdadera reserva natural del Botánicu, formada por cuatro viesques carauterístiques de la Europa templada: umerales, carbayeres y una viesca mixta.


Actividá incluyida nel preciu de la entrada / Aforu limitáu

Imprescindible inscripción previa na taquiya del Botánicu o nel 985 185 130

HORARIOS VISITES GUIAES PÚBLICU INDIVIDUAL

XINERU/FEBRERU

MARTES	10:00h	Tesoros Atlánticos
	12:00h	Visita xeneral
MIÉRCOLES	10:00h	Descubriendo la Factoría vexetal
	12:00h	Visita xeneral
XUEVES	10:00h	La guapura del Xardín de La Isla
	12:00h	Visita xeneral
VIENRES	10:00h	Les xoyes del Cantábricu
	12:00h	Visita xeneral
SÁBADU	10:00h	La guapura del Xardín de La Isla
	12:00h	Visita xeneral
	16:00h	Ruta de les viesques naturales
DOMINGU	10:00h	Descubriendo la Factoría vexetal
	12:00h	Visita xeneral
	16:00h	Ruta de les viesques naturales



HORARIOS VISITES GUIAES PÚBLICU INDIVIDUAL

MARZU

MARTES	10:00h	Tesoros Atlánticos
	12:00h	Visita xeneral
	17:00h	Tesoros Atlánticos
MIÉRCOLES	10:00h	Descubriendo la Factoría vexetal
	12:00h	Visita xeneral
	17:00h	Descubriendo la Factoría vexetal
XUEVES	10:00h	La guapura del Xardín de La Isla
	12:00h	Visita xeneral
	17:00h	La guapura del Xardín de La Isla
VIENRES	10:00h	Les xoyes del Cantábricu
	12:00h	Visita general
	17:00h	Les xoyes del Cantábricu
SÁBADU	10:00h	La guapura del Xardín de La Isla
	12:00h	Visita xeneral
	17:00h	Ruta de les viesques naturales
DOMINGU	10:00h	Descubriendo la Factoría vexetal
	12:00h	Visita xeneral
	17:00h	Ruta de les viesques naturales



XINERU

SÁBADU

10

ARTE Y DISCAPACIDÁ: PAISAXE DE LOS XESTOS, MARQUES Y LINGUAXES DE LO NATURAL

De 11:00 a 14:00h

Un diálogo participativu col entornu natural del Botánicu, al traviés de la cerámica y l'usu d'elementos y oxetos atopaos nel xardín -cañes, semiente, fueyes, etc-. Pente medies d'un abordaxe esperimental y coleutivu, van esplorase los llinguaxes d'estos oxetos usando pa ello la técnica d'impresión sobre barru y l'aplicación d'engobes. Van crease composiciones que recueyan eses formes y la rellación ente elles, a fin de conformar un panel d'inspiración vexetal onde construyir un paisaxe natural nuevu. Estos paneles (15x15cm) van colocase en conxuntu pa descubrir composiciones nueves, posibilitando una configuración que presente la obra como una sinerxa coleutiva manes-barru-naturaleza.

Dirixiu a persones adultes con discapacidá

Pónlu_Coleutivu BERDE con Martín Huamanchumo

DOMINGU

11

LES AVES DEL BOTÁNICU

De 10:30 a 12:30h

El segundu domingu de cada mes vas poder disfrutar d'una visita mui especial pa conocer y deprender a identificar les más de 90 especies d'aves que viven y añeren nesti espaciu.

Xeneral

Actividá incluyida cola entrada al Botánicu. Inscripción previa nel T. 985 185 130

SÁBADU

17

CREACIÓN DE TERRARIOS

De 12:00 a 14:00h

Los terrarios son xardinu en miniatura nos que conviven distintes plantes. Vamos poder facelos selváticos o desérticos, escoyendo qué plantes usar y xenerando un paisaxe pequeñín con piedres, musgu, madera... Vamos esplorar les posibilidaes del color, los elementos naturales y la imaxinación al tiempu de componer el nuestru ecosistema chiquitín mientres disfrutamos del procesu creativu. Cada participante va llevar pa casa el so terrariu propiu.

Persones adultes

Pónlu_Sergio Santurio

DOMINGU

18

CREACIÓN DE TERRARIOS

De 12:00 a 14:00h

Los terrarios son xardinos en miniatura nos que conviven distintes plantes. Vamos poder facelos selváticos o desérticos, escoyendo qué plantes usar y xenerando un paisaxe pequeñín con piedres, musgu, madera... Vamos esplorar les posibilidaes del color, los elementos naturales y la imaxinación al tiempu de componer el nuestru ecosistema chiquitín mientres disfrutamos del procesu creativu. Cada participante va llevar pa casa el so terrariu propiu.

Familiar > 5 años

Pónlu_Sergio Santurio

SÁBADU

24

PLANTES ORNIAMENTALES EN TIESTU

De 12:00 a 14:00h

Un taller práuticu pa deprender a seleicionar, cultivar y mantener les nuestres plantes orniamentales en bon estáu. Vamos descubrir téuniques de riego, tresplante y poda pa reducir l'estrés de les plantes y prevenir enfermedaes. Tamién vamos esplorar los distintos materiales de tiestos y los sustratos más afayadizos según cada especie, comparando'l cultivu en suelu y en tiestu. Vamos rematar con encamientos y trucos pa cuidar les plantes más delicaes y pa manteneles siempre sanes y guapes.

Persones adultes

Pónlu_Rafa García, de @tara_desert

DOMINGU

25

COCINA COLA GÜERTA DE TEMPORADA

De 11:30 a 14:00h

Tamién n'iviernu la güerta asturiana nos ofrez una carta vexetal bayurosa con productos cultivaos pola propia Pilar, que va incluyir crema de verduras y hamburgueses (de la so ganadería) con ensalada de temporada, amás d'un postre sorpresa. Lo qu'igüemos vamos llevalo pa casa.

IMPORTANTE:

_Trayer envases pequeños pa llevar el menú.

_ El menú contién alérxenos. Hai que comunicar al Botánicu, primero de l'actividá, cualesquier alerxa o intolerancia.

Familiar > 6 años

Pónlu_Pilar Vega, de Desfaciendo Maíz

SÁBADU

31

PODA DE FRUTALES

De 12:00 a 14:00h

Pa consiguir que los nuestros frutales crezan sanos y dean frutos curiosinos fai falta una bona téunica de poda. Nesta charra-taller vamos conocer los principios básicos de la poda, van esplicanos como afeuta la poda a los árboles y los cuidaos fitosanitarios necesarios p'antes y depués de la intervención. Tamién vamos intentar escaecer mitos sobre la poda, los preseos que necesitamos y cómo facer una poda de formación y de fructificación.

Persones adultes

Pónlu_Luis M. Zahonero, biólogu y propietariu de *Viveros La Resqueta*

FEBRERU

DOMINGU

1

FAROLINOS BOTÁNICOS, ALLUMA'L TO IVIERNU

De 12:00 a 14:00h

N'iviernu, como los díes son más curtios, queremos animate a poner en to casa la lluz del Botánicu, creando farolinos únicos con papel, flores y fueya seco. Nun percorríu pel xardín vamos esplorar les formes, colores y testures que nos regala la naturaleza, inclusive nesta estación, tresformando estos detalles naturales en lluces caldies pequeñines que vamos poder llevar pa casa. Una esperiencia creativa y sensorial pa compartir en familia y prender, a comuña, la lluz del iviernu.

Familiar > 4 años

Pónlu_Jarana05

SÁBADU

7

ARTE Y DISCAPACIDÁ: LA VOZ DE LOS ÁRBOLES

De 11:00 a 14:00h

Un puntu d'alcuentru ente l'arte, la naturaleza y la maxa de los cuentos. Baxo la sombra d'un texu vamos sentir el rellatu *"Por qué los árboles dejaron de hablar con los seres humanos"*. Vamos descubrir que, va munchu tiempu, los árboles charraben coles persones, hasta qu'un home pidió dalgo prohibió col so palu máxicu y ellos decidieron quedar en silenciu pa siempre. El taller propón una esperiencia coleutiva que convida a tresformar el final d'esti cuentu al traviés del arte. Vamos crear palos máxicos con cañes y llana de colores, cargaos d'intenciones positives pal bienestar de los árboles. Depués vamos ufri-y les nuestros obres al texu, pa que puea decatase del nostru deséu d'harmonía y cuidáu hacia él y hacia tola comunidá arbórea.


Dirixíu a persones adultes con discapacidá

Pónlu_Coleutivu BERDE con Jennifer Ramsay

El segundu domingu de cada mes vas poder disfrutar d'una visita mui especial pa conocer y deprender a identificar les más de 90 especies d'aves que viven y añeren nesti espaciu.

Xeneral

Actividá incluyida cola entrada al Botánicu. Inscripción previa nel T. 985 185 130



El xardín de La Isla constituye'l xerme históricu del Xardín Botánicu Atlánticu. Una quinta privada en Cabueñes, un poco elevada y arrodiada de cursos menores d'agua, con un allugamientu que favoreció dende'l sieglu XIX el desarrollu d'un xardín orniamentáu con especies exótiques y autóctones, siguiendo la moda de los xardinos románticos. Un estilu que -como vamos ver- se repite n'otros xardinos de Xixón y d'Asturies. Anguaño, les formes elegantes de La Isla dialoguen coles coleiciones botániques científiques, funcionando como ponte ente la memoria paisaxística de la nuestra rexón y la vocación botánica contemporánea, integrando historia, xeografía y conservación ambiental nun mesmu espaciu.

Xeneral

Entrada llibre hasta completar aforu

RODRIGO ÁLVAREZ BRECHT

Xeógrafu y profesor. La so tesis doctoral dedicada a la xardinería asturiana nel so contestu xeográficu, algamó una Mención Especial nos Premios Nacionales de Xardinería Pública PARJAP (Madrid, 2023). Como investigador, obtuvo'l Premiu d'Investigación Cubera (2014), y el Premiu Exércitu (2023), na modalidá d'enseñanza escolar. Ye autor de delles publicaciones ente les que destaca'l llibru *Jardines Privados de Gijón*, editáu por TREA en 2009, y participó na realización del *Inventario de Jardines Históricos de Interés Patrimonial existentes en Asturias* pa la Consejería de Cultura en 2013.

SÁBADU

14

DIARIU D'IVIERNU,
LLIBRU TESTIL

De 12:00 a 14:00h

Esti taller ye'l puntu d'entamu d'un llibru testil, onde los árboles ensin fueya y na so esencia más pura garren vida al traviés de la estampación, el bordáu y la manipulación testil.

Vamos partir d'una tela estampada por sublimación (yá preparada), inspirada nes formes invernales de los árboles. Cada participante va escoyer la ilustración qu'abre'l so diariu, y con téuniques de bordáu, costura y ilustración cencielles, va dir adulces apurriendo vida propia a les formes de los árboles. Asina va empezar a diseñar el so llibru testil ilustráu propiu, dende lo imaxinativo a lo más figurativo, onde los árboles con volume puen combinase con animales, pallabres, testu...

Persones adultes

Pónenlu_Verónica G. Ardura y Susana Viña

DOMINGU

15

DIARIU D'IVIERNU,
LLIBRU TESTIL

De 12:00 a 14:00h

Esti taller ye'l puntu d'entamu d'un llibru testil, onde los árboles ensin fueya y na so esencia más pura garren vida al traviés de la estampación, el bordáu y la manipulación testil.

Vamos partir d'una tela estampada por sublimación (yá preparada), inspirada nes formes invernales de los árboles. Cada participante va escoyer la ilustración qu'abre'l so diariu, y con téuniques de bordáu, costura y ilustración cencielles, va dir adulces apurriendo vida propia a les formes de los árboles. Asina va empezar a diseñar el so llibru testil ilustráu propiu, dende lo imaxinativo a lo más figurativo, onde los árboles con volume puen combinase con animales, pallabres, testu...

Familiar > 7 años

Pónenlu_Verónica G. Ardura y Susana Viña

SÁBADU

21

LONES
A LA BOLSA

De 12:00 a 14:00h

¿Prestóte la curuxa que fizo Paula Noval pa la imaxe de la seronda?
¿Namorástite del Rei Mur que creó Javi Domingo p'anunciar la Navidá? Pues agora pues llevalos pa casa. Vamos a reutilizar les lones que tuvieron colocaes na fachada del Botánicu pa facer bolses orixinales que vamos poder usar tol añu. Esperimenta la sostenibilidá y el diseñu circular de manera creativa, revalorizando un material en desusu.

Persones adultes

Pónlu_Maite Prida, de *Lon&Boc*

SÁBADU

28

VELES Y AMBIENTADORES NATURALES

De 12:00 a 14:00h

Descubri los usos y propiedaes de la cera de soya pa la elaboración de veles y ambientadores sólidos botánicos. Vas poder desarrollar les tos recetas propies d'ambientadores pa casa tipu *mikado*, partiendo de productos naturales y respetuosos col mediu ambiente. Disfruta de les sensaciones de xugar con aromes d'aceites esenciales y plantes, al tiempu que deprendes a iguar veles y ambientadores naturales.

Persones adultes

Pónlu_Luis Sánchez, de www.oleumjabones.com

MARZU

DOMINGU

1

DEL XARDÍN AL BOTIQUÍN

De 12:00 a 14:00h

Convidámoste a participar nesti taller práuticu onde vamos deprender a identificar, nun percorríu guiáu pel xardín, dalgunes de les plantes medicinales y aromátiques que formen parte de les coleiciones del Botánicu. Depués de descubrir les sos propiedaes principales, vamos pasar al nostru "llaboratoriu" pa preparar fervinchos, ungüentos y otros remedios pa tola familia.

Familiar > 4 años

Pónlu_Jarana05

SÁBADU

7

ARTE Y DISCAPACIDÁ: VELO PER PRIMER VEZ

De 11:00 a 14:00h

Dar la bienvenida a la primavera dende la cerámica. Tamos cerca del empiezu de la primavera, tiempu de florecimientu y nacimientu, de brotos y frutos. Llevamos un añu esperando pa esti momentu, polo que vamos facer un taller n'homenaxe a esta estación. Vamos crear composiciones modulares en cerámica inspiraes nos elementos de la primavera, mezclando pastes de colores y formes, p'afayanos a esta época del añu.

Dirixíu a persones adultes con discapacidá

Pónenlu_Coleutivu BERDE con Martín Huamanchumo y Ángel Domínguez Gil

DOMINGU

8

LES AVES DEL BOTÁNICU

De 10:30 a 12:30h

El segundu domingu de cada mes vas poder disfrutar d'una visita mui especial pa conocer y deprender a identificar les más de 90 especies d'aves que viven y añeren nesti espaciu.

Xeneral

Actividá incluyida cola entrada al Botánicu. Inscripción previa nel T. 985 185 130

SÁBADU

14

AGRICULTURA REXENERATIVA EN GÜERTOS URBANOS

De 11:30 a 14:00h

Vamos enseñate'l secretu d'una güerta bayurosa y ensin esfuerzu, basada nos principios de la agricultura rexenerativa. ¿Sabies que se puen conseguir colleches más nutritives y riques en vitamines que les que compramos nes tiendes? Esto ye por mor de l'aplicación de téuniques cencielles que nos permiten cultivar cola llei del mínimu esfuerzu: cuidando'l suelu, regando poco (o nada) y casi ensin ferramienta. Vamos esplorar los principios fundamentales del suelu vivu, la permacultura, el control natural de plagues, el compostaxe y el manexu adecuáu de la biodiversidá. L'oxetivu ye avanzar hacia una güerta más sostenible, que non solo nos apurra alimentos más sanos, sinón que tamién aporte al bienestar del planeta.

Persones adultes

Pónlu_María Cabal, de *Biohuerting*

DOMINGU

15

MANES A LA GÜERTA

De 12:00 a 14:00h

L'iviernu ta a piques d'acabar y llegó'l momentu de poner en funcionamientu la nuestra güerta pa la primavera. Nesti taller vamos deprender cómo podemos esconsonar la tierra depués del iviernu fríu y llargu, qué cuidaos necesita y cómo organizar la nuestra güerta. Una actividá práutica y collaborativa pa disfrutar en familia.

Familiar > 4 años

Pónlu_Jarana05



IVIERNU | NEL 2026 BOTÁNICU